



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

XXXI. De sollicita cura cogitationu[m].

urn:nbn:de:hbz:466:1-39254

omnes homines vult salvos fieri, & neminem vult perire? Sunt & alii qui ædificant super fundamentum hoc, aurum, argentum, & lapides preciosos, qui vehementer incipiunt, vehementius proficiunt, vehementissimè perficiunt, non attendentes quid caro possit, sed quid spiritus velit.

SERMO XXXI.

De sollicita cura cogitationum.

Admonet nos beatus Benedictus (Fratres) sollicitos esse circa cogitationes nostras †, Sapientis utique consilium sequens, qui *omni custodia cor custodire suadet* ^a, *quoniam ex ipso vita procedit*. Tria igitur occur-
runt genera cogitationum, à quibus multa sollicitudine cavere necesse sit
eos qui convertuntur ad cor, & dignum Deo in semetipis templum exhibere festinant. Sunt enim nonnullæ interdum cogitationes penitus ociosæ,
& ad rem non pertinentes; quas tam facile abjecere quam recipere facile possit anima, dummodo sic secum habitans in corde suo, & adsistens do-
minatori universæ terræ.

Sunt & aliæ cogitationes violentæ magis & fortius adhærentes, quæ videlicet ad necessitates naturæ pertinent, & quasi ex eodem adsumptæ limo, de quo & nos facti sumus, si paululum infederint, avelli nequeunt sine læsione & difficultate. Sæpe enim sic afficit nos cogitatio carnalis de cibo, de potu sive vestimento, ut vix eradicari queat de cordibus nostris: quod non aliundè est, nisi quodd & ipsa limosa & viscosa quodammodo, limosam nihilominus & glutinosam invenerit terram. Non sine causa enim dictum est, hominem plasmatum non de terra qualibet, sed de limo ^b. Vide enim ^{b Gen. 2.3} quām limosum sit corpus, quod ipsi quoque spiritui tam fortiter & penè indissolubiliter inhæret, ut vix cum multa afflictione possit aliquando separari. Quid ergo agendum cum limosa illa cogitatio mentem subierit? Planè exclamandum nobis est cum sancto Jacob ^c atque dicendum: *Ruben primogenitus meus non crescas: ascendisti enim cubile patris tui.* Ruben enim & carnalis atque sanguinea hujusmodi concupiscentia est: quæ tunc cubile nostrum ascendet, cum non solum memoriam tangit cogitatione, sed & ipsum voluntatis stratum ingreditur & polluit prava delectione. Bene autem primogenitus noster dicitur appetitus ille carnalis, qui ab ipso nimis initio vitæ nostræ in nobis pullulat, cum cætera vitia procello temporis ex malitia mundi hujus variisque occasionibus contrahantur. Oportet ergo reprimere, quem extinguere non possumus appetitum: ut quam cito cubile nostrum ingreditur, crescere eum nullatenus patiamur, sed sub nobis sit, quemadmodum dicit Scriptura ^d: *Subter te erit appetitus tuis, & tu dominaberis illius.*

*Tria cogitatio-
num genera ca-
venda.
1. Otiosæ.*

*2. Limosæ i.e.
corporis necessa-
ria cōcernentes.*

*c Gen. 49.a**
*Quomodo cogi-
tationibus de
cura corporis
obviandum.*

d Gen. 4.2

Sermones S. Bernardi.

N n n n

Jam

3. Cogitationes
nes fæde &
immunda.

Quemodo ha
propulsandæ.

Quam folli
cite & vigi
lante iis oc
currendum.

Jam verò tertium cogitationum genus immundum nimis ac fœtidum est, quod nec admittere quidem ulla ratione debemus, sed à longè præsentire fœtorem, & tota virtute repellere, toto animo propulsare, & conversi statim ad gemitus, lachrymis atque suspiriis invocantes Spiritum, qui adjuvet infirmitatem nostram. Sic nimur confusus abseedens non tam facile deinceps simile aliquid viriliter resistentibus nobis malignus hostis offerre vel afferre præsumet. Dico autem cogitationes illas immundas penitus ac fœtidas, quæ ad luxuriam, ad invidiam & vanam gloriam pertinent, cæteraque vitia detestanda. Oportet enim si mundas conservare volumus animas nostras, adhuc longè agentibus cogitationibus huiuscmodi multa cum indignatione occurrere, & exsufflare à nobis, ut nullus eis detur accessus. Et primum quidem genus cogitationum ociosarum, scilicet ad rem non pertinentium, lutum est, sed lutum simplex, id est, non inhærens nec fætens, nisi forte diutius immoretur in nobis, & per incuriam ac negligentiam nostram in alterum genus cogitationum vertatur: quod quotidie experimur. Dum enim ociosa tanquam minima spernimus, ad turpia atque inhonesta dilabimur. Secundum verò cogitationum genus non lutum simplex, sed ut jam diximus, viscosum ac limosum est. Nam tertium quidem sic cavendum est, non tanquam lutum aut limus, sed tanquam immundissimum ac fœtidissimum cœnum.

S E R M O XXXII.

De verbis Apost. *Mibi pro minimo est, ut à nobis judicer, &c.* *

Sic nos existimet homo ut ministros Christi, & dispensatores mysteriorum DEI a. Minister Christi sic debet conversari, ut ex moribus exterioris hominis qui videtur, existimetur compositio interior animi qui videatur, ne vel ab alio vel à seipso possit judicari, sed dicat cum eodem Apostolo b: *Mibi pro minimo est, ut à vobis judicer, aut ab humano die: sed neque me ipsum judico: qui autem judicat me, Dominus est.* In quibus verbis notanda sunt tria judicia; humanum, suum cuiusque proprium, & divinum. Et humanum quidem potest judicare de rebus exterioribus, quæ sensibus corporis percipiuntur? de interioribus vero non potest. Hinc enim scriptum est c, *Quis enim seit hominum quæ sunt hominis, nisi spiritus hominis qui est in eo?* Quapropter de his quæ sunt in homine, potest judicare spiritus hominis qui in ipso est, longè veiū præstantius de his ipsis judicat Deus, cuius necdum fatetur Apostolus evasisse judicium, qui tamen jam humanum transcendisset, & proprium. Porro humanum contemnebat qui dicebat: *Mibi autem pro minimo est, ut à vobis judicer, aut ab humano die.* Sed neque proprium timebat qui dicebat: *Sed neque me ipsum judico, nihil enim mibi conscientum.* Solum ergo restabat divinum: de quo ait: *Qui autem judicat me,*

Domi-